

40 Անկաներ այնուհետեւ Անդովկ ի հնարս հնարել, եւ ի ծուփս խորհրդոց, գտանել պատճառս՝ զի ո՛ր զիտէ կարասցէ ցրուել գտերն մեծ, որ էր անկեալ ի մեջ թագաւորացն երկոցունց: 41 Նախ բազում ոսկի զաւրավարին Յայոց Վասակայ Անդովկն մատուցաներ, սոյնպէս եւ զամենայն մեծամեծսն կաշառէր, զի հնարեսցի քակել զմեծ սերն՝ որ իցեն ի մեջ թագաւորացն երկոցունց: 42 Եւ ամենայն մեծամեծքն ձեռն յանձին հարկանէին. առեալ ոսկւոյն կաշառաւք խաւարեցան: 43 Ապա զմի ոմն յաւագաց թագաւորին Պարսից ի ներքին ի բուն խորհրդականացն ի բանի իւրում առնէր Անդովկն զհնարաւորութեամբն, զնենգաւորութեանն դաւաճանութեամբ մեքենայութեամբն, զի բանս արկցէ ընդ թագաւորին Պարսից ընդ Շապուհ եւ ընդ Արշակ: 44 Եւ տայր նմա Անդոյկ ոսկի բազում եւ անհամար, եւ ղներ բանս ի բերան. զի իբրեւ կերպարանս գուշակի արասցէ ասել ցարքայ Արշակ, թէ ապրեցո զանձն քո, զի ճշգրիտ խորհուրդ խորհեալ է թագաւորին Պարսից ունել զքեզ եւ սպանանել: 45 Եւ յորժամ դու զայս ասասցես, ասէ, եւ զմեզ հրամայեսջիր կոչել ի խորհուրդն. եւ զքո բանս աւագանին հաստատեն:

46 Ապա զայր մտանէր խորհրդակից արքային Պարսից առ արքայն Յայոց. խաւսել սկսանէր ընդ նմա զբանս ի բերան եղեալ Անդուկայն չարագործի, եւ ասեր՝ թէ արքայո՞ր Յայոց Արշակ, ապրեցո զանձն քո. զի խորհուրդ խորհեալ է թագաւորին Պարսից Շապիոյ ունել զքեզ եւ սպանանել: 47 Կայր հիացեալ եւ զարմացեալ արքայն Արշակ ընդ բանսն ընդ այնոսիկ, եւ ասէ. Ի մեծի վաստակոցն իմոց ի վերայ ա՛յս հատուցումն ի նոցանէն: 48 Ապա հրաման տայր կոչել զառաջեաւ իւրով արքայ Արշակ զամենայն զմեծամեծս իւր, եւ զամենայն խորհրդակիցս իւր, զՎասակ սպարապետն, եւ զԱնդովկն զաներ իւր, եւ որ միանգամ էին նախարարքն. եւ պատմեր նոցա զոր միանգամ լուաւ ինքն ի պարսկէ անտի: 49 Ապա եւ նոքա ընդ մի բերան ասէին ընդ նմա, թէ մեք զայդ վաղ լուաք, ցքեզ չիշխեցաք ասել. այլ իրքդ այդ հաստատ են: 50 Բայց արդ, արքայ, զիտեա տես զիա՛րդ ապրեցուցես զանձն քո եւ զմեզ: 51 Ապա արքայ Արշակ բազում պարգեւս զանձուց ոսկւոյ եւ արծաթոյ տայր պարսկին այնմիկ, որ ասաց նմա զբանս զայսոսիկ: 52 Եւ ինքեանք կազմեցան պատրաստեցան. խորհուրդ խորհեցաւ Արշակ թագաւորն Յայոց. եւ յառնէին ի գիշերի որ միանգամ մարդ էր ի բանակին Յայոց, հեծան ի ձիս եւ փախեան: 53 Եւ առ ետեղ թողին զխորանս եւ զվրանս, զկահ եւ զկարասի եւ զկազմած իւրեանց, եւ զբանակն իւրեանց, եւ զնացին գաղտուկ. եւ ոչ ոք ի բանակէն Պարսից գիտացին զայն մինչ ցայգ ցառաւաւտն:

54 Եւ իբրեւ եղև ժամ այգորելի առ թագաւորն Պարսից, եւ ամենայն թագաւորք եւ իշխանք մեծամեծք իւր այգորեալ զային արքային Պարսից, բայց միայն ոչ ուրեք ի մեջ երեւէր թագաւորն Յայոց Արշակ հանդերձ իւրովք մեծամեծաւքն: 55 Ապա տայր հրաման Շապուհ թագաւորն Պարսից իւրոցն,